

17 Rhagfyr 2020


## Ynglŷn â'r datganiad hwn

Mae'r datganiad ystadegau swyddogol hwn yn cyflwyno ffigurau sy'n ymwneud â chosbau a roddwyd gan gyrff dyfarnu mewn ymateb i gamymddwyn gan fyfyrwyr, staff ysgolion neu golegau, ac ysgolion neu golegau yn ystod arholiadau TGAU, UG a Safon Uwch cyfres arholiadau haf 2020 yng Nghymru, a'r troseddau y cawsant eu cyhoeddi ar eu cyfer.

## Pwyntiau allweddol

- Oherwydd effaith pandemig COVID-19 bu newidiadau sylweddol i'r prosesau camymddwyn. Mae'r newidiadau hyn yn golygu y dylai defnyddwyr dehongli gwahaniaethau rhwng ffigurau 2020 a chyfresi eraill yn ofalus. Mae'r datganiad hwn yn disgrifio'r camymddwyn yn yr haf ac mae data ychwanegol ar gael yn y tablau data cysylltiedig. Er na chafwyd unrhyw arholiadau yn haf 2020, mae rhai achosion camymddwyn yma yn ymwneud ag asesiadau a gwblhawyd cyn arholiadau'r haf, megis asesiadau heb eu harchwilio.
- Rhoddwyd 55 o gosbau yn haf 2020. O'r rhain rhoddwyd 40 i fyfyrwyr, 15 i staff canolfannau, ac ni roddwyd yr un gosb i ganolfannau

## Ffigur 1: Y rhesymau dros gosbi myfyrwyr



Ffynhonnell: Data Cymwysterau Cymru a gasglwyd gan gyrff dyfarnu, data sydd ar gael yn nhabl 6

Rhoddwyd y rhan fwyaf (61.5%) o gosbau myfyrwyr am gyfathrebu yn ystod arholiad.

# Cyflwyniad

Mae Cymwysterau Cymru yn rheoleiddio cymwysterau, heblaw graddau, yng Nghymru. Yn y datganiad hwn, rydym yn cyflwyno data ar faint o achosion o gamymddwyn sy'n gysylltiedig â chymwysterau TGAU, UG a Safon Uwch yng Nghymru ar gyfer cyfres arholiadau haf 2020. Mae'r ffigurau'n cynrychioli nifer yr achosion o gamymddwyn, wedi'u talgrynnu i'r 5 agosaf i sicrhau cyfrinachedd, a gyflwynwyd gan gyrff dyfarnu erbyn 19 Tachwedd 2020, gan adlewyrchu'r sefyllfa ar 17 Tachwedd 2020.

O'r flwyddyn academaidd 2017/18 ymlaen, rydym wedi casglu ac adrodd ar ddata yng Nghymru ar gyfer cymwysterau cyffredinol. Gwneir cymariaethau yn y datganiad hwn â data a gasglwyd ac a gyhoeddwyd gan Ofqual ar gyfer blynyddoedd blaenorol.

## Camymddwyn

Mae unrhyw achos o dorri'r rheoliadau a allai danseilio uniondeb arholiad yn gyfystyr â chamymddwyn. Mae enghreifftiau o gamarfer yn cynnwys ymdrechion gan fyfyrwyr i gyfathrebu â'i gilydd yn ystod arholiad, myfyrwyr yn dod â deunyddiau anawdurdodedig i arholiad, a methiant staff yr ysgol neu'r coleg i gydymffurfio â chyfarwyddiadau byrddau arholi. Mae hefyd yn cynnwys achosion sy'n ymwneud â chamweinyddu, a ddiffinnir gan y Cyd-gyngor Cymwysterau (JCQ) fel methiant staff ysgol neu goleg i lynu at reoliadau asesiadau dan reolaeth, gwaith cwrs, arholiadau ac asesiadau di-arholiad, neu gamymddwyn wrth gynnal arholiadau/asesiadau a/neu ymdrin â dogfennau fel papurau cwestiynau arholiad, sgriptiau ymgeiswyr, taflenni marciau, ac ati.


Rydym yn ei gwneud yn ofynnol i fyrddau arholi fod â gweithdrefnau i ymdrin ag achosion o gamymddwyn gan fyfyrwyr, staff ysgol neu goleg neu eraill sy'n ymwneud â darparu cymhwyster. Mae'r Cyd-gyngor Cymwysterau'n cyhoeddi polisiâu a chanllawiau ar gamymddwyn sy'n cynnig gweithdrefnau os bydd amheuaeth o gamymddwyn. Ceir rhagor o wybodaeth am gamymddwyn a'n gofynion yn y nodiau cefndirol.

# Ystadegau

## Camymddwyn gan fyfyrwyr

Sawl achos of gamddwyn gan fyfyrwyr a gafwyd?

**Ffigur 2: Cosbau Myfyrwyr/Staff/Canolfannau haf 2020**



*Ffynhonnell: Data Cymwysterau Cymru a gasglwyd gan gyrff dyfarnu, data sydd ar gael yn nhablau 6, 12, ac 16*

Rhodddwyd 55 o gosbau yn haf 2020. O'r rhain rhodddwyd 40 i fyfyrwyr, 15 i staff canolfannau, ac ni roddwyd yr un gosb i ganolfannau.

Roedd pob un o'r 40 cosb a roddwyd i fyfyrwyr yn gysylltiedig â chymwysterau TGAU, ac nid oedd yr un ohonynt yn gysylltiedig â chymwysterau TAG. Mae'r 40 cosb ar gyfer cymwysterau TGAU yn cynrychioli 0.004% o'r holl gofrestriadau TGAU, tua 4 cosb am bob 100,000 o gofrestriadau.

Yn haf 2020 cafodd 40 o ddysgwyr unigol eu cosbi. Cafodd pob un o'r rhain un gosb.


Beth yw'r math mwyaf cyffredin o gamymddwyn gan fyfyrwyr?

**Tabl 1: Nifer y cosbau a roddwyd yn ôl categori camymddwyn, haf 2020**

<b>Categori camymddwyn</b>	<b>Nifer y cosbau a roddwyd</b>	<b>Canran o gyfanswm y cosbau</b>
Cyfathrebu yn ystod arholiad	25	61.5%
Ymddygiad aflonyddgar	*	7.7%
Deunyddiau amhriodol	*	5.1%
Ffonau symudol a dyfeisiadau cyfathrebu eraill	5	17.9%
Rhesymau eraill	*	5.1%
Deunyddiau anawdurdodedig eraill	*	2.6%
Llên-ladrad	0	0.0%
<b>Cyfanswm</b>	<b>40</b>	<b>100.0%</b>

*Ffynhonnell: Data Cymwysterau Cymru a gasglwyd gan gyrff dyfarnu, data sydd ar gael yn nhabl 6*

**Ffigur 3: Cyfran y cosbau a roddwyd yn ôl categori camymddwyn, haf 2020**




*Ffynhonnell: Data Cymwysterau Cymru a gasglwyd gan gyrff dyfarnu, data sydd ar gael yn nhabl 6*

Roedd dros hanner (61.5%) yr holl droseddau camymddwyn y rhoddwyd cosb ar eu cyfer yn haf 2020 am gyfathrebu yn ystod arholiad. Yr ail a'r trydydd categori camymddwyn mwyaf cyffredin oedd ffonau symudol a dyfeisiau cyfathrebu eraill (17.9%) ac ymddygiad aflonyddgar (7.7%), yn y drefn honno.

Beth yw'r math mwyaf cyffredin o gosb i fyfyrwyr?


**Ffigur 4: Cyfran y cosbau a roddwyd yn ôl math o gosb, haf 2020**



Ffynhonnell: Data Cymwysterau Cymru a gasglwyd gan gyrrff dyfarnu, data sydd ar gael yn nhabl 8

Y gosb fwyaf cyffredin i fyfyrwyr oedd rhybudd (68.4%) ac yna colli marciau (28.9%) a cholli cyfle i agregu neu ardystio (2.6%).

**Ffigur 5: Mathau o gosbau a roddwyd i fyfyrwyr yn ôl categori camymddwyn, haf 2020**



Ffynhonnell: Data Cymwysterau Cymru a gasglwyd gan gyrrff dyfarnu, data sydd ar gael yn nhabl 10

Mae'r nifer gymharol fach (40) o gosbau i fyfyrwyr yn haf 2020 yn golygu ei bod yn anodd gwneud dehongliadau cadarn o'r math o gosb mewn perthynas â'r math o drosedd.


## Camymddwyn gan ganolfannau a staff canolfannau

Pa mor gyffredin yw achosion o gamymddwyn gan ganolfannau a staff canolfannau

Gall canolfannau gyflawni troseddau camymddwyn hefyd. Mae enghreifftiau o'r math hwn o gamymddwyn yn cynnwys methu â chadw deunydd arholi'n ddiogel cyn arholiad, rhoi cymorth amhriodol i ymgeiswyr, a chamweinyddu. Os bydd hyn yn digwydd, gellir cosbi canolfannau a/neu staff y ganolfan.

Rhodddwyd 55 o gosbau yn haf 2020. O'r rhain rhodddwyd 40 i fyfyrwyr, 15 i staff canolfannau, ac ni roddwyd yr un gosb i ganolfannau.

### Ffigur 6: Mathau o gamymddwyn gan staff canolfannau, haf 2020



Ffynhonnell: Data Cymwysterau Cymru a gasglwyd gan gyrrff dyfarnu, data sydd ar gael yn nhabl 12

O'r cosbau a roddwyd i staff canolfannau yn haf 2020 roedd 46.7% ar gyfer camweinyddu, roedd 40.0% am roi cymorth amhriodol i ymgeiswyr ac roedd 13.3% am danseilio diogelwch.

# Rhestr termau

## Corff dyfarnu

Sefydliad sy'n datblygu cymwysterau, yn pennu ac yn monitro asesiadau, ac yn cyhoeddi dyfarniadau i ddysgwyr, gan roi cydnabyddiaeth ffurfiol i'r deilliannau dysgu (gwybodaeth, sgiliau a/neu gymwyseddau), yn dilyn gweithdrefn asesu a dilysu. Mewn rhannau eraill o'r DU, gelwir y rhain yn sefydliadau dyfarnu neu'n fyrddau arholi.

## Camymddwyn

Ystyr camymddwyn yw unrhyw weithred, ddiffyg neu arfer sy'n torri rheoliadau'r corff dyfarnu, neu sy'n gwneud un neu ddau o'r canlynol:

- yn peryglu, ceisio peryglu neu allai beryglu'r broses asesu, uniondeb unrhyw gymhwyster neu ddilysrwydd canlyniad neu dystysgrif;
- yn niweidio awdurdod, enw da neu hygredd unrhyw gorff dyfarnu neu ganolfan neu unrhyw swyddog, gweithiwr neu asiant i unrhyw gorff dyfarnu neu ganolfan.

Mae camymddwyn yn cynnwys camweinyddu a pheidio â chydymffurfio â'r rheoliadau. Methiant gan ganolfan i hysbysu, ymchwilio ac adrodd i gorff dyfarnu am bob honiad gamymddwyn neu amheuaeth o gamarfer o fewn y ganolfan. Mae methu â chymryd camau fel sy'n ofynnol gan gorff dyfarnu a methu â chydweithredu ag ymchwiliad corff dyfarnu hefyd yn gyfystyr â chamymddwyn.

Mae rhagor o wybodaeth am gamymddwyn, manylion am y troseddau sy'n gyfystyr â chamymddwyn a'r cosbau a roddir yng [nghanllawiau camymddwyn](#) y Cyd-gyngor Cymwysterau.

## Camweinyddu

Methiant i gadw at y rheoliadau sy'n ymwneud â chynnal asesiadau dan reolaeth, gwaith cwrs, arholiadau ac asesiadau di-arholiad, neu gamarfer wrth gynnal arholiadau/asesiadau a/neu ymdrin â phapurau cwestiynau arholiad, sgriptiau ymgeiswyr, taflenni marcio, cofnodion asesu cronol, canlyniadau a ffurflenni hawlio dystysgrifau, ac ati.

## TGAU

Mae Tystysgrifau Cyffredinol Addysg Uwchradd ar gael mewn ystod eang o bynciau. TGAU yw'r prif gymhwyster cyffredinol lefel 1 a lefel 2 ar gyfer pobl ifanc 14-16 oed yng Nghymru.

Gellir eu defnyddio fel sylfaen ar gyfer astudiaeth neu hyfforddiant lefel uwch, neu i gael mynediad uniongyrchol i gyflogaeth.

## **Safon Uwch**

Tystysgrif Addysg Gyffredinol Safon Uwch, a elwir hefyd yn TAG Safon Uwch. Cymwysterau a gaiff eu hastudio ar ôl TGAU, mewn amrywiaeth o bynciau, fel arfer pan fydd dysgwyr yn 16-18 oed ac sydd fel arfer yn golygu astudio cwrs dwy flynedd. Fe'u defnyddir fel sail ar gyfer derbyn myfyrwyr i addysg uwch, hyfforddiant pellach, neu fynediad i gyflogaeth.

## **Uwch Gyfrannol (UG)**

Cymhwyster sy'n ffurfio rhan gyntaf cymhwyster Safon Uwch. Gellir ei ystyried yn gymhwyster sy'n sefyll ar ei ben ei hun. Yng Nghymru a Gogledd Iwerddon mae'n cyfrannu at ganlyniadau Safon Uwch. Yn Lloegr, ni all cymwysterau UG gyfrannu at Safon Uwch.

## **Canolfan**

Corff sy'n darparu asesiadau (a gweithgareddau eraill o bosibl) i ddysgwyr ar ran corff dyfarnu. Fel arfer, sefydliadau addysgol, darparwyr hyfforddiant neu gyflogwyr yw canolfannau.

## **Cymhwyster**

Dyfarniad a wneir gan gorff dyfarnu i ddangos y cymhwysedd a gyflawnwyd gan ddysgwr.



# Nodiadau cefndirol

Ar 21 Tachwedd 2017 cymeradwyodd Cynulliad Cenedlaethol Cymru Orchymyn Ystadegau Swyddogol (Cymru) 2017 a oedd yn enwi Cymwysterau Cymru yn un o'r cyrff sydd o fewn cwmpas Deddf Ystadegau a'r Gwasanaeth Cofrestru 2007. Mae Cymwysterau Cymru yn gweithredu yn unol â Chod Ymarfer ar gyfer Ystadegau, Awdurdod Ystadegau'r DU ac maent wedi cyhoeddi'r datganiad ystadegol hwn fel Ystadegau Swyddogol.

## Camymddwyn

Caiff y cymwysterau a gwmpesir gan y datganiad hwn eu rheoleiddio gan Cymwysterau Cymru. Mae'r gofynion y mae'n rhaid i'r cyrff dyfarnu eu bodloni wedi'u nodi yn yr Amodau Cydnabod Safonol. Nodir y gofynion ynghylch camymddwyn yn amod A8, sy'n nodi'r canlynol:

Rhaid i gorff dyfarnu gymryd pob cam rhesymol i atal unrhyw achosion ogamymddwyn neu gamweinyddu wrth ddatblygu, cyflenwi a dyfarnu cymwysterau y mae'n eu darparu neu y mae'n bwriadu eu darparu.

Mae camymddwyn yn cynnwys unrhyw achos o dorri rheoliadau a allai danseilio uniondeb arholiad. Mae enghreifftiau o gamymddwyn yn amrywio o ymdrechion bwriadol gan ymgeiswyr i gyfathrebu â'i gilydd yn ystod arholiad, i fethiannau anfwriadol gan staff ysgol neu goleg i gydymffurfio â chyfarwyddiadau cyrff dyfarnu.

Mae'r amodau yn ei gwneud yn ofynnol i bob corff dyfarnu fynd ati i ymchwilio a rheoli effaith unrhyw gamymddwyn mewn achosion pan fyddant wedi sefydlu bod achos o gamymddwyn neu gamweinyddu wedi digwydd. Rhaid iddynt weithredu i atal achosion o'r fath rhag digwydd eto, a chymryd camau sy'n gymesur â difrifoldeb a chwmpas y digwyddiad yn erbyn y rhai sy'n gyfrifol.

Yn ogystal, mae'r amodau yn ei gwneud yn ofynnol i'r cyrff dyfarnu feddu ar weithdrefnau ysgrifenedig cyfredol sy'n ymwneud ag ymchwilio i achosion o gamymddwyn neu gamweinyddu honedig. Mae'n ofynnol hefyd i'r cyrff dyfarnu adolygu'r trefniadau sydd gan ganolfannau ar gyfer atal ac ymchwilio i achosion o gamymddwyn neu gamweinyddu, ac i wneud hynny'n rheolaidd.

Pe byddai honiad neu amheuaeth o gamymddwyn mewn cydrannau a asesir yn fewnol neu'n allanol gallai'r corff dyfarnu ymchwilio a gweithredu mewn perthynas â'r ymgeiswyr, yr ysgolion, neu'r colegau o dan sylw, a hynny er mwyn diogelu uniondeb yr asesiadau, neu i atal achosion o gamymddwyn rhag digwydd eto. Rhaid i ysgolion neu golegau roi gwybod i'r cyrff dyfarnu perthnasol am bob achos o

gamymddwyn a chydweithredu ag ymchwiliadau dilynol. Caiff pob achos o gamymddwyn, boed yn achos y rhoddwyd gwybod amdano gan yr ysgol neu'r coleg neu a nodwyd gan y corff dyfarnu, ei ystyried a'i farnu ar sail unigol gan ystyried yr holl wybodaeth sydd ar gael, a dylai'r canlyniad fod yn gymesur â difrifoldeb yr achos o gamymddwyn fel y pennir gan y corff dyfarnu.

### **Camymddwyn gan ymgeiswyr**

Fel arfer, bydd cyrff dyfarnu yn gosod sancsiynau a chosbau ar ymgeiswyr a geir yneuog o gamymddwyn. Gall y sancsiynau a'r cosbau hyn gynnwys rhybudd ysgrifenedig, dyfarnu marciau amcangyfrifedig, anghymhwyso o gydran o asesiad, neu anghymhwyso o gymhwyster cyfan. Bydd y gosb a roddir yn amrywio, gan ddibynnu ar natur a difrifoldeb y drosedd.

### **Camymddwyn gan staff ysgolion neu golegau**

Fel arfer, bydd cyrff dyfarnu hefyd yn gosod sancsiynau a chosbau ar staff ysgol neu goleg a geir yn euog o gamymddwyn. Gall y sancsiynau a'r cosbau hyn gynnwys rhybudd ysgrifenedig am oblygiadau ailadrodd y drosedd, gosod amodau arbennig ar gyfraniad unigolyn i arholiadau ac asesiadau yn y dyfodol, gofyn am hyfforddiant neu fentora penodol fel amod o ymwneud ag arholiadau yn y dyfodol, neu wahardd unigolyn rhag cymryd rhan mewn cyflwyno arholiadau ac asesiadau am gyfnod penodol. Dim ond sancsiynau sy'n ymwneud â gwaith aelod o staff wrth weinyddu eu harholiadau y gall cyrff dyfarnu eu gosod, ni chânt osod sancsiynau sy'n ymwneud â chyflogaeth aelod o staff. Y canolfannau sydd i benderfynu a yw unrhyw sancsiwn ehangach yn briodol (ond nid yw hynny wedi'i gynnwys yn y ffigurau a adroddir yma).

### **Camymddwyn gan ysgolion neu golegau**

Rhaid i gyrff dyfarnu ymchwilio i achosion o gamymddwyn gan ysgolion, colegau, a'u staff, a'u cosbi pan fo angen. Gall achosion o gamymddwyn gan staff ysgol neugoleg amrywio o weithredu gyda'r bwriad o roi mantais annheg i ymgeiswyr mewn arholiad neu asesiad, i anwybodaeth o'r rheoliadau asesu neu eu gweithredu mewn modd amhriodol. Pan fo tystiolaeth bod yr achos o gamymddwyn wedi digwydd oherwydd methiant difrifol wrth reoli, gall corff dyfarnu weithredu sancsiynau yn erbyn yr adran gyfan neu'r ysgol neu'r coleg

### **Ffynhonnell Data**

Mae'r cyrff dyfarnu sy'n darparu cymwysterau TGAU, UG a Safon Uwch wedi cyflwyno gwybodaeth i Cymwysterau Cymru am nifer yr achosion o gamymddwyn ar gyfer pob cymhwyster a oedd ar gael yn haf 2020. Dim ond ar gyfer canolfannau sydd wedi'u lleoli yng Nghymru y mae'r data camymddwyn a gyflwynwyd yn berthnasol, ni

waeth pa fath o ganolfan ydyw. Mae'r datganiad hwn yn cynnwys achosion o gamymddwyn gan fyfyrwyr, gan staff, a chan ysgolion/colegau yn ôl y math o gamymddwyn a'r cosbau a roddir mewn ymateb i hynny.

### **Cyfyngiadau'r data**

Mae'n bosibl bod y wybodaeth a ddarparwyd gan gyrff dyfarnu yn wallus. Felly, ni all Cymwysterau Cymru warantu bod y wybodaeth a dderbyniwyd yn gywir. Mae Cymwysterau Cymru yn cymharu'r data dros amser ac yn chwilio am faterion systematig. Cynhelir gweithdrefnau sicrhau ansawdd er mwyn sicrhau cywirdeb y data a'i herio neu ei gwestiynu, lle bo angen. Mae Cymwysterau Cymru yn rheoli'r broses hon yn barhaus drwy:

- Sicrhau bod darparwyr data yn glir ynghylch yr hyn sy'n ofynnol ganddynt ac yr ymgynghorir yn llawn â hwy yn ystod y cyfnodau cynllunio cychwynnol ac unrhyw gyfnodau o newid dilynol;
- Atgoffa pob darparwr (os yw'n briodol) y dylai'r holl ddata fod yn gwbl gywir, a bod hynny yn amod o'u rheoleiddio;
- Bod yn wiliadwrus o newidiadau annisgwyl yn y data a gyflwynir drwy gymharu ffurflenni unigol dros amser gan yr un darparwr;
- Herio'r darparwyr data os bydd unrhyw ganlyniadau annisgwyl.

Gellir gohirio'r cyhoeddiad os nad ystyrir bod yr ystadegau'n addas i'r diben.

Casglwyd data ar adeg briodol pan fo'n rhesymol gyflawn, sef 19 Tachwedd 2020 ar gyfer data cyfres haf 2020 yn y datganiad hwn.

Oherwydd effaith pandemig COVID-19 bu newidiadau sylweddol i'r prosesau camymddwyn. Mae'r newidiadau hyn yn golygu y dylai defnyddwyr dehongli gwahaniaethau rhwng ffigurau 2020 a chyfresi eraill yn ofalus. Mae'r datganiad hwn yn disgrifio'r camymddwyn yn yr haf ac mae data ychwanegol ar gael yn y tablau data cysylltiedig. Er na chafwyd arholiadau yn haf 2020, mae rhai achosion o gamymddwyn yma'n ymwneud ag asesiadau allanol a gwblhawyd cyn yr haf.

### **Cymariaethau**

Ers 2017/18, mae cyrff dyfarnu wedi cyflwyno data cymwysterau cyffredinol i Cymwysterau Cymru yn hytrach nag i Ofqual. Dylid cymryd gofal wrth ddehongli cymariaethau â data Ofqual hanesyddol.

### **Cwmpas Daaryddol**

Mae'r datganiad hwn yn cyflwyno data ar nifer y cofrestriadau TGAU, UG a Safon Uwch ar gyfer cyfres arholiadau Haf 2020 yn y canolfannau sydd wedi'u lleoli yng

Nghymru. Nid yw'r datganiad hwn cynnwys TGAU, UG, a Safon Uwch a gaiff eu sefyll y tu allan i Gymru.

### **Diwygiadau**

Unwaith y bydd wedi'i gyhoeddi, ni fydd y data ar nifer y cofrestriadau fel arfer yn cael eu diwygio, ond efallai y caiff datganiadau dilynol eu diwygio i gynnwys data hwyr neu gywiro gwall.

### **Cyflawnrwydd y data**

Mae cyrff dyfarnu yn anfon data camymddwyn i Cymwysterau Cymru ar gyfer pob cymhwyster rheoleiddiedig a gaiff ei ddsbarthu fel TGAU, UG neu Safon Uwch. Mae Cymwysterau Cymru yn cysylltu ag unrhyw gorff dyfarnu nad yw'n dychwelyd set gyflawn o ddata o fewn y cyfnod casglu, er mwyn sicrhau bod y data mor gyflawn â phosibl.

### **Talgrynnu a Chyfrinachedd**

Er mwyn diogelu cyfrinachedd, ac yn unol â pholisi allbynnau ystadegol interim Cymwysterau Cymru, mae'r holl ffigurau'n ymwneud â chofrestru wedi'u talgrynnu. Yn y sylwadau a'r tablau, maent wedi'u talgrynnu i'r 5 agosaf. Rhoddir \* yn lle ffigurau sy'n llai na 5 ond yn fwy na 0. Mae hyn er mwyn sicrhau nad yw'r data yn datgelu ymgeisydd unigol. Mae'r holl ganrannau o fewn y sylwadau yn seiliedig ar ffigurau gwirioneddol. Mae'r ffigurau wedi'u talgrynnu'n annibynnol ac felly mae'n bosibl na fyddant yn cyfateb i'r cyfanswm.

### **Defnyddwyr yr ystadegau hyn**

Mae'r ystadegau hyn yn debygol o fod o ddiddordeb i Cymwysterau Cymru, Ofqual, cyrff dyfarnu a Llywodraeth Cymru. Mae defnyddwyr eraill yn cynnwys swyddogion polisi'r llywodraeth, academyddion, ymchwilwyr, a'r cyhoedd. Rydym yn croesawu adborth gan ddefnyddwyr, bydd yn gwella ein dealltwriaeth o bwy yw ein defnyddwyr dros amser. Mae Cymwysterau Cymru yn defnyddio'r ystadegau hyn i sicrhau bod cyrsiau TGAU, UG a Safon Uwch yn addas at y diben ac yn cyrraedd y safonau disgwylidiedig.

### **Ystadegau a chyhoeddiadau cysylltiedig**

Mae ystadegau pellach ar gymwysterau yng Nghymru, a'r DU yn ehangach, i'w gweld yn y dolenni isod:

- [Cymwysterau Cymru](#)
- [Llywodraeth Cymru](#)
- [Swyddfa Rheoleiddio Cymwysterau ac Arholiadau](#)
- [Cyngor Cwricwlwm, Arholiadau ac Asesu \(CCEA Regulation\)](#)
- [Awdurdod Cymwysterau'r Alban](#)

### **Gwybodaeth ddefnyddiol**

Mae rhestr termau ar gael ar dudalen 7 i'ch helpu i ddehongli'r datganiad hwn. Ceir gwybodaeth am gyhoeddiadau yn y dyfodol ar [wefan](#) Llywodraeth Cymru ac ar ein [gwefan](#) ni. Mae [cofrestr QiW](#) yn rhoi gwybodaeth am gymwysterau cymeradwy a dynodedig sy'n gymwys i gael arian cyhoeddus yng Nghymru.

### **Y diweddariad nesaf**

Rhagfyr 2021 (dros dro).

### **Adborth gan ddefnyddwyr**

Rydym yn croesawu adborth ar unrhyw agwedd ar yr ystadegau hyn, a gellir ei anfon drwy e-bost at [ystadegau@cymwysteraucymru.org](mailto:ystadegau@cymwysteraucymru.org)

© (2020) Rhoddir caniatâd i'w atgynhyrchu ar yr amod y cyfeirir at Cymwysterau Cymru fel y ffynhonnell wreiddiol..